

Transkription von Stadtbucheintrag KOL 1380a

Ort, Datierung: Kolberg, 1380-09-29

Signatur: Stadtarchiv Hansestadt Lübeck, Kolberger Stadtbuch 52

Inhalt: Rat der Stadt Kolberg: Wahlbestimmung

Witlik sȳ al den iene(n) de / nv syn vnde de noch to / kome(n)de syn dat wy rat=/ma(n)ne der stadt to
Col=/berghe me(n)liken beyde / olt vnde Ju(n)ghe dorch // Sundergher sake wille(n) / an den iare(n)
vses here(n) / dusent dreihundert / an deme achtentigheste(n) / iare v(m)me sũnte Miche=/les dach
vten alse syk / de raat vernȳget vor / vs vnde vor vse nako=/melinghe an deme ra=/de mit ener gantzen
/ eendracht des to rade / vvrden vnde willen / dat also holden by den / eden de wȳ vsemi here(n) /
vnde der stat gheswore(n) / hebben , Dat me na der / vorschreue(n) tiit , Wo / dar men veer vnde /
twyntich ratma(n)ne / mit olden vnde Iunghen / de dar seten vnde nicht / en seten an deme rade //
were(n) nemande meer / an den raat scholde / kesen allene dat ȳd wol / also ville dat enes ed=/(der)
merer myn wenne / sosteynen to sittende / bõrede des to kõme(n)den / iares , Dat sulue scholen / al
de iene(n) de na der sul=/uen vorschreue(n) tiit / an den raat ghekoren / werden ok bȳ den sũlue(n)
/ eren eden to syk nemen dat see / dat ok also wille(n) holden / Dor enes sunderghen / wartkens vnde
ener / eweghen dachtnisse wille(n) / dat me dyt aldus holde(n) / schal to eweghen tyden / so hebbe wy
dat an / vse buk laten schryuen